



Regulaziun dal contingent a la Scola chantunala grischuna a partir da l'onn da scola 2019/20

La regulaziun dal contingent ha la finamira da promover la responsabladad persunala da las scolaras e dals scolars. La frequentaziun da l'instrucziun è da princip obligatorica (art. 12 urdenb da scola SCG, BR 425.110). La regulaziun dal contingent pussibletescha dentant a las scolaras ed als scolars da mancar durant in tschert dumber da lecziuns per semester senza dumondas, annunzias e perstgisas correspudentas. Il contingent n'è betg patratgà per evitar clausuras u cumprovas da prestaziun cun in'absenza punctuala.

La persuna d'instrucziun registrescha las absenzas en la rait da scola. Ils scolasts/las scolastas da classa, la direcziun da la scola e la scolara/il scolar han da scadin temp invista en las absenzas.

Basa legala Urden da scola da la Scola chantunala grischuna, Art. 14 al. 2 (BR 425.110)

Valaivladad La regulaziun dal contingent vala a partir da la 4. classa dal gimnasi, da la scola media spezialisada e commerciala per tut ils roms (inclusiv roms facultativs e l'ura da classa).

Contingent Il dumber da las lecziuns manchentadas dastga dumbrar per rom e semester maximal il dubel da las lecziuns emnilas tar il contingent betg scursani e maximal in ed ina mesa giada il dumber da las lecziuns emnilas tar il contingent scursani. Per tut ils roms vala il medem factur da contingent. Las personas d'instrucziun dal rom ston annunziar immediatamain al commember da la direcziun responsabel tut ils surpassaments dal contingent, il pli tard dentant suenter 15 dis, (formular per l'annunzia da surpassaments dal contingent).

Calculaziuns spezialas Las absenzas da l'ura da classa vegnan registradas separadamain.

Cumpara il scolar/la scolara memia tard a l'instrucziun, vegn quai sancziunà cun mesiras disciplinaras. Arriva el/ella dapli che 15 minutas memia tard a la lecziun, vala quai sco assenza.

Per absenzas en cas da clausuras annunziadas u da referats dals scolars vegn registrà ina lecziun supplementara, sche nagin attestat dal medi è avant maun. Las duas emprimas lecziuns da la damaun da las 08:00 – 09:20 valan sco in'unitad. Absenzas durant questa lecziun dubla vegnan registradas cun duas lecziuns.

Absenzas a chaschun d'excursiuns dal rom, dad emnas tematicas e dad occurrenzas da scola vegnan registradas tenor l'urari da classa en ils roms da quests dis, resp. mezs dis da scola. (L'organisatur da l'occurrenza annunzia l'absenza als scolasts dal rom tenor l'urari da classa).

En cas d'absenzas pli lungas en consequenza da malsogna, vegnan be ils emprims trais dis quintads tar il contingent, sch'in attestat dal medi correspudent è avant maun.

Absenzas betg sutta messas al contingent Absenzas chaschunadas d'excursiuns dal rom, d'emprovas dal chor, da campionadis da las scolas medias, ed occurrenzas da classa, n'èn betg sutta messas al contingent (testat da l'organisatur).

Per occurrenzas extrascolaras sco occurrenzas, curs, concerts u concurrenzas valan las directives da la direcziun da la scola. Questas directives vegnan publicgadas a l'entschatta da l'onn da scola e fan part da la regulaziun dal contingent (testat dal commember da la direcziun da scola).

Las absenzas betg sutta messas al sistem dal contingent ston vegnir inoltradas tenor pussaivladad ordavant, il pli tard dentant suenter 10 dis da scola ed avant il di da

tagl a las personas d'instrucziun pertutgadas. Suenter la scadenza da quest termin vegnan talas absenzas attribuidas al contingent.

Dis da tagl

Sco dis da tagl per la calculaziun dal contingent valan ils termins da l'emprima pussaiblvladad da consegna da las notas da mintga semester. Absenzas suenter il di da tagl vegnan attribuidas al contingent dal nov semester. Quai vala era per roms che vegnan instruids alternantamain tenor semester.

Registraziun en l'attestat

Il dumber total da las lecziuns manchentadas per semester che quintan tar il contingent vegn registrà en l'attestat. Surpassaments dal contingent vegnan medemamain registrads en l'attestat.

Mesiras disciplinas


En cas d'in emprim surpassament dal contingent en in rom vegn il factur dal contingent dal proxim semester scursani da 2 ad 1.5. In surpassament dal contingent en in ulteriur rom u in'ulteriura assenza en in rom cun in surpassament dal contingent en il medem semester ha per consequenza la scursaniziu dal contingent per ils proxims dus semesters. En cas d'in ulteriur surpassament en il medem semester resta il contingent scursani per l'entir rest dal temp da scola.

En cas d'in surpassament dal contingent scursani exprima il commember da la direcziun responsabel anc durant il semester current la smanatscha da l'ultimatum ed il factur dal contingent resta scursani per l'entir rest dal temp da scola. Endataziun en l'attestat: Cumportament „betg adina cuntentaivel“.

En cas d'in segund surpassament dal contingent scursani exprima il rector l'ultimatum. Endataziun en l'attestat: Cumportament „nuncuntentaivel“.

En cas d'in terz surpassament dal contingent scursani segua l'expulsiun da la scola per motivs da cuntravenziun a l'urden da scola.

L'emprim surpassament dal contingent en il segund semester da l'onn da terminaziun maina a l'endataziun en l'attestat: Cumportament „betg adina cuntentaivel“. Ulteriurs surpassaments mainan a la smanatscha da l'ultimatum, resp. a l'ultimatum. Suenter il di da tagl ston ins motivar lecziuns manchentadas tar il commember responsabel da la direcziun.



La direcziun da la scola po decider ulteriuras sancziuns per scolaras e scolar che mussan difficultads cun la regulaziun dal contingent. Quellas pon manar fin a l'exclusiun dal sistem da contingent.

Scola chantunala grischuna Kantonsschule
Il rector